



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

De Controversijs Polemicis, & Scholasticis, etiam modernis

**Archdekin, Richard**

**Antverpiæ, 1682**

Caput 4. Ostenditur solam Scripturam non esse Regulam fidei, aut  
Iudicem controversiarum.

**urn:nbn:de:hbz:466:1-40853**

test esse sola Scriptura, aut Spiritus privatus, aut alia, quæ à modernis sectariis prætenduntur, ut de singulis, in sequentibus ostendemus: hic enim agitur de ipso veræ Ecclesiæ fundamento, sine quo ejus fidem nutare, ac corruere necesse est.

Atque eâdem operâ dissolventur objectiones & effugia, quibus sectarii contra claram veritatis lucem hactenus demonstratam se miserè involvi patiuntur.

## CAPUT IV.

*Ostenditur solam Scripturam non esse Regulam Fidei, aut judicem controversiarum.*

1. **P**robatur primò: Si sola Scriptura sufficeret pro Regula fidei & judice controversiarum, sic pronuntiaret sententiam decisivam, ut litigantes clarè inteligerent pro qua parte stet Scripturæ sententia, ejusque judicio acquiescerent: Sed hoc sola Scriptura præstare non potest: Ergo non est sufficiens regula aut judex pro dirimendis fidei controversiis.

Minor apertè patet vel ex eo, quod ipsi Lutherani & Calvinistæ de variis fidei articulis, ut de reali Christi præsentia, de Baptismo parvolorum &c. multis annis inter se contendant, & ad mentem Scripturæ magno studio utrimque recurrent. Et tamen hactenus neutra pars sententiam decisivam contra se latam esse agnoscit, sed pergit adhuc eo, quo cœperunt, ardore & incertitudine autoritatem Scripturæ sibi utrimque vindicare, & pergent usque in diem judicij, si pro declarando Scripturæ sensu, de

D

quo

quo utrumque litigatur, alium judicem non admittant. Scriptura enim omnem, quam latura est, sententiam jam dudum pronuntiavit.

Rem exemplo illustremus: Scriptura refert Christi verba in ultima cæna, *Comecite & bibite ex hoc omnes: & eodem loco Christus dicit, Et vos debetis alter alterius lavare pedes.* Unde quæso sciimus, quod priora verba contineant præceptum sumendi Eucharistiam, & posteriora non contineant simile præceptum lavandi pedes? cum in his magis expressè per modum præcipientis Christus dicat, *& vos debetis &c.* Certè hoc non ex verbis Scripturæ, sed ex judicio, & consuetudine Ecclesiæ constare potest. Et si quis modò contenderet posteriora verba imponere præceptum lotionis pedum, nunquam posset lis illa ex sola Scriptura decidi.

2. Secundò. Aliquæ sunt fidei controversiæ, quarum in Scripturis nulla pœnè mentio habetur: Ergo in his dirimendis extra Scripturas alius omnino judex est necessarius. Controversia olim erat, An baptizati ab hæreticis sint baptizandi. Affirmavit S. Cyprianus, negavit S. Augustinus: suam tamen sententiam quamvis sit vera & dogma fidei, non potuit Augustinus sufficienter ex Scripturis probare; Sic enim scribit lib. 5. de Bapt. contra Donat. cap. 23. *Consuetudo illa, que opponebatur Cypriano, ab Apostolorum traditione exordium sumpsiſſe credenda est.*

Ulterius quæro, Quo loco Scriptura statuit, ut forma Baptismi pronuntietur lingua patria, ut faciunt Novatores? Ut infanti in Baptismo Nomen imponatur? Ut mersio trina adhibetur? Aut ut Christiani non Sabbathum, sed diem Dominicum colere debeant? Alia sunt hujusmodi plurima extra Scripturas decisa aut constituta,

tuta , quorum aliqua non nisi admodum obscurè , alia nullo modo in sacrís Paginis commēmorantur : Et tamen ea apud ipsos Sectarios pro decisis & certis habentur : ergo illorum decisio extra Scripturas haberi debet.

3. Tertiò , In Republica Civili non sufficiunt Codices legum , sed requiritur aliis Judex qui sententiam ferat inter partes litigantes . Ergo in republica Ecclesiastica non sufficiunt Codices Scripturarum sine alio Judice qui exorientes de Fide controversias decidat . Nam sicut in repub. Civili səpē lis est de ipsa legum interpretatione , ita in Ecclesia səpē controversia est de ipso sensu & explicatione Scripturarum , uti assiduè videmus . Sicut igitur lex , quando de ejus mente dubitatur , non per se litem derimere , ita neque Scriptura potest de seipso sententiam ferre sine alio Judice , quem Deus ordinare debuit , ne alias Ecclesiam suam relinquere in perpetuis controversiis , à nullo prorsū visibili Judice determinandis .

4. Neque refert primò , quod *Ioan.* 5. & alibi jubeamur ad inquirendam veritatem legere & scrutari Scripturas . Nam Judices debent etiam legum studio incumbere : non ideo tam in omni judicio sola leges sine Judicis sententia sufficiunt .

4. Neque refert 2. quōd Scriptura sit Regula , & norma veritatis . Nam licet in se sit norma veritatis ; ubi tamen de ejus sensu litigatur , non semper constat hominibus ex qua parte stet illa veritas . Ideò necessaria est alia veritatis regula si- ve Judex , qui id certò declareret . Hanc autem declarandi potestatem infallibilem , & Spiritus sancti assistentiam promissam & collatam esse à Christo suæ Ecclesiæ infra cap. 8. probandum erit .

D 2

C A.